

封邱縣續志

王廣慶題

封邱縣續志卷二十四

掌教

附志一

清代典禮

掌故九

諸壇 社稷壇每歲春秋二仲上戊出主於壇而祭之

祭品

帛二色黑 豕一 羊一 鉶一 籩四 豆四 簠二 簋二 爵三

儀注

祀日承祭官及陪祭官各衣朝服由禮生引至壇前盥洗上香迎神二跪六叩初獻一叩讀祝一叩亞獻三獻均如初獻儀飲福受胙一跪三叩徹饌送神二跪六叩望燎一揖禮畢

祝文

惟

神奠安九土粒食萬邦分五色以表封圻育三農而蕃稼穡忝承守土肅展

明壇時屆仲

春秋

敬修祀典丸丸松柏鞏盤石於無疆翼翼黍稷佑神倉於不

匱尙饗

先農壇 每歲仲春亥日巳時各率所屬官及耆老農夫致祭午時行耕藉

禮

祭品

帛一 羊一 豕一 鉶一 籩四 豆四 簠二 簋二 爵三

儀注

各官吏蟒衣詣藉田行耕藉禮正印官秉耒佐貳捧青箱播種各官俱用右手扶犁左手執鞭各行九推禮農夫終畝畢各回官廳更朝衣望北闕恭行三跪九叩體畢耕藉品物農具一赤色牛一黑色籽種箱一青色

祀文

惟

神肇興稼穡粒我蒸民頌思文之德克配彼天念率育之功陳常時夏茲當東作咸服先疇洪惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恆沐於神庥庶幾九穗雙歧上瑞頻書於大有尙饗

風雲雷雨山川壇 每歲春秋仲月上戊合祭

祭品

帛一 羊三 豕三 饌案三 籩豆各四

儀注

以地方正印官爲主祀另於教職內委監禮官二人佐貳雜職內委監視祭品官一人其禮與社稷壇同

祝文

惟

神流峙正位雨暘時行金湯孔固闔境和平仲

春秋

致祭仰答鴻功尙享

厲壇 每歲清明節七月十五日十月初一日以城隍之神出受正祭另榜無祀鬼神分祭之

祭品

羊三 豕三 飯米三斗

儀注

先期守土官飭所司具香燭至日蟒袍補服掛珠不嚮道詣壇行二跪六叩
首禮畢守土官立西旁候神駕過作別迴署

祝文

白金

封邱縣知縣某等爲遵奉

禮部劄文祭祀闔境無祀孤魂等衆事蓋聞普天之下莫不有人莫不有鬼
人則保聚之教養之俾無失所鬼則禋祀之時舉之俾無怨恫此皆有土者
之職也但念孤魂等衆有死於水火盜賊者有因寒暑而死於道路者有因

犯罪而死於圜牆者有天災流行而瘟疫死者有年歲凶荒而飢餓死者有凶年脫欠錢糧官吏催迫死者有流離失所死於他鄉者有因房屋傾塌而壓死者有被猛獸毒虫而吞噬死者有因戰鬥而奮身死者有因鑄私錢造假銀被拿而自刎死者有淫婦結交姦夫謀害本夫而死者有因壓鎮而死者有因虫毒而死者有屈不得伸而鬱悶死者有因車碾馬踏而暴死者有婦人被丈夫公婆謀害死者有被強狠暴橫而毆死者有懸梁自縊死者有被傾陷誣枉而負屈死者有被人強奪妻女而氣死者有死而無子嗣者此等孤魂或沒於前代或亡於近世凡遇人間節令心思陽世心渺渺以無依身墮沉淪意懸懸而望祭依草附木或爲妖作怪呻吟於星月之下悲號於風雨之時生爲苦人死爲厲鬼故先制有郡厲邑厲之設茲於本年某月某

日虔具豕一羊一香楮等儀設壇於城北敬請本縣城隍尊神以主其祭旁列僧道爲之懺悔廣置香米爲之冥資一切鬼魅均分神惠各返其所勿爲作祟大宣厲文一道咸使聞之

諸廟 文廟祭期祭品詳見後

儀注

先期承祭官分獻官陪祭官齊赴階下行一跪三叩頭禮學師滌器視牲瘞毛血至期五更各官衣朝衣及各執事俱公服序立禮導承祭官至盥洗所贊盥洗畢引至臺階下立典爵唱樂舞生就位執事官各司其事贊分獻官陪祭官各就位贊承祭官就位各就位立典儀唱迎神唱舉迎神禮樂奏咸平之章樂作贊行三跪九叩首禮興樂止典儀唱奠帛行初獻禮唱舉初獻

樂奏甯正之章樂作贊陞壇導承祭官由東階進殿左門升大祭後改陞殿
右門贊詣至聖位前承祭官至案前立贊跪贊奠帛捧帛者以帛跪進承祭
官接帛拱舉獻畢贊獻爵執爵者以爵跪進承祭官接爵拱舉獻畢贊叩首
興贊詣讀祝位承祭官詣讀祝位立讀祝者至案前捧祝版立案左樂止贊
跪各官俱跪贊讀祝畢捧祝者至正前案上跪安帛匣內叩首退樂作贊叩
首興承祭官及各官行三叩首禮興贊詣顏子位前承祭官就案前立贊跪
贊獻帛捧帛跪進案左承祭官接帛拱舉獻案上贊獻爵執爵跪進案左承
祭官接爵拱舉獻案上贊叩首興贊詣曾子位前如前儀其十哲兩廡分獻
官俱照前儀禮畢贊復位承祭官分獻官各復位立樂止典儀唱行亞獻禮
唱舉亞獻樂奏安平之章樂作贊陞壇獻爵於左如初獻儀贊復位承祭官

分獻官各復位樂止典儀唱行三獻禮奏景平之章樂作贊陞壇獻爵於右如亞獻禮贊復位承祭官分獻官各復位立樂止典儀唱飲福受胙贊詣受福胙位承祭官至殿內立捧酒胙二人捧至正位案前拱舉至飲福受胙位右旁跪接福胙二人左旁跪承祭官跪贊飲福酒承祭官受爵拱舉授執爵者贊受福胙承祭官受胙拱舉授接胙者贊叩首興贊復位立次行謝福禮贊行三跪九叩首禮興典儀唱徹饌唱舉徹饌樂奏咸平之章樂作贊行三跪九叩首禮興樂止典儀唱捧祝帛饌各詣燎所典儀唱望燎舉望燎樂與送神樂同贊詣望燎位導承祭官至燎位祝帛焚訖樂止贊禮畢退

崇聖祠 祭期祭品儀注詳見後

祝文

惟

神積德累世發祥自長誕生至聖師表百王追王五代崇祀無疆茲值仲

秋

式陳明薦以先賢顏氏先賢曾氏先賢孔氏先賢孟氏先儒程氏先儒周氏

先儒朱氏先儒蔡氏配尚 享

歷代尊孔表

民國附

代	名	帝	號	年	月	事	考	備	註
周	敬	王	四十一	年	四月	孔子卒魯哀公諱之曰尼父		丘仲深謂此後世追諡之始	
漢	高	帝	十二	年		魏安釐王以八代孫謙爲魯文信君		後裔封爵始此	
						帝自淮南過魯以太牢祀孔子		此漢以下祀孔子始	

平 帝 元始元年

追諡褒成宣尼公

丘仲深曰此後世諡宣之始

後 漢 光 武 建武五年

帝幸魯使大司空以太牢祀孔子

此遣官告祭之始

明 帝 永平十五年

帝東巡幸魯詣孔子宅祀孔子及七十二弟子

張朝端曰此後世祀孔子弟子之始

靈 帝 光和元年

始置鴻都門學書先聖及七十二弟子之像

此畫像之始

三 國 魏 廢 帝 正始二年

令太常釋奠以太牢祀孔子於辟雍

丘仲深曰漢以來釋奠之禮始見於此前此祀孔子闕里至是始行於太學

晉 武 帝 太始七年

皇太子講經親釋奠於太學

丘仲深曰此太子釋奠之始

成 帝 咸康元年

帝親釋奠於辟雍

古者太學皆命有司行事天子視之而已此天子親祭之始

孝 武 帝 甯康三年

帝釋奠於中堂以顏回配享

此弟子配享之始

南北朝 宋文帝 元嘉二十三年

皇太子釋奠於太學用登歌

此釋奠用樂之始

北魏孝文帝 太和十三年

改諡孔子曰文宣尼父遣官勅廟行冊禮帝復齋中書省親拜祭於廟

又

每歲春秋二仲刻軒懸樂六佾舞行三獻禮每月日祭酒領博士以下及諸生拜孔指顏郡縣學博士以下亦每月朔行禮

此後世春秋釋奠及朔日行禮之始

北周宣帝 大象二年

恭聖侯晉爵鄆國公

此聖裔晉公爵之始

唐

太宗 貞觀四年

令郡縣皆立文廟去周公以孔子為先聖顏回為先師以左丘明等二十二人配享

按上古祀始立教者皆稱先聖先師或神農或周公或顏回不必定孔子也此以孔子為先聖及先儒配享之始

元宗 開元八年

詔以十哲為坐像悉與祀會參特為之像坐亞之圖七十子二十一實於廟壁

此十哲配祀之始

十三年

帝幸孔子宅親釋奠遣禮部尚書蘇頌以太牢祭孔子墓

此遣官祭墓之始

二十七年

追謚孔子爲文宣王贈十哲爲公侯會參以下十七人爲伯

此孔子封王弟子封公侯伯之始

憲宗

元和十三年

恩詔予文宣公一子

此聖裔任子之始

宋

太祖

建隆三年

詔祭文宣王同一品禮立十六戟於廟門

此列戟之始

太宗

太平興國三年

以十四世孫宜襲封文宣公

按五代以來襲封廢絕至是復

真宗

大中祥符元年

追封叔梁紇齊國公顏氏魯國太夫人卍官氏鄆國夫人

此追先代及妻之始

又

帝謁孔子廟幸孔林降輦乘馬至臬設奠再拜

此幸孔林拜墓之始

天禧元年

以文宣公知仙源縣事仙源者曲阜改名也

此聖裔知本縣之始

	仁宗	至和二年	改封孔子四十六代孫宗愿為衍聖公	此封衍聖公之始
	徽宗	崇寧三年	詔文宣王殿以大成名	此殿名大成之始
	高宗	紹興八年	詔衍聖公於衢州賜田奉祀	高宗南渡孔氏率族如衢
		十四年	帝幸太學止輦大成門外升東階跪上香執爵祭酒再拜	此幸學跪拜降輦門外之始
	金章宗	明昌二年	詔孔廟前置下馬碑祭時稱御名避聖諱	此置下馬碑及避聖諱之始
	西夏仁宗	乾祐二十三年	尊孔子為文宣帝	此特尊為帝之始
元	文宗	至順元年	詔加封叔梁紇為啓聖王顏氏為崇聖夫人二年封丌官氏為大成至聖文宣王夫人	此先代及妻加封之始
明	太祖	洪武三年	詔設孔顏孟三氏學改世襲曲阜知縣為世職知縣以孔氏子弟之在曲阜除授	此設三氏學曲阜知縣世職之始

成祖		英宗		景帝	
十五年	南京太學成去塑像設木主	正統三年	九年三月	天順十六年	景泰二年
二十六年	頒大成樂於天下	永樂四年三月	帝幸學釋菜命行人官取衍聖公及三氏子孫赴京觀禮定爲令	命所在過孔門者皆下馬	詔以顏孟後並爲五經博士世襲奉祀
	此聖廟設木主之始	此釋菜四拜之始	此啓聖祠配享之始	此過孔廟下馬之始	此先賢後裔世襲博士之始
					詔以周敦頤程頤朱熹後並爲世襲五經博士
					六年

清					
世祖	太宗	神宗	世宗	武宗	
順治元年	崇德元年 五年	萬曆二十八年	嘉靖九年 十四年冬	正德元年 二年	
定月朔及進士釋褐釋菜禮 月望行香儀又衍聖公封爵 一如前朝階正一品班列尚 書上	詔官祭孔子廟 定春秋二仲上丁行釋奠禮	詔國學先師廟易以琉璃瓦 此先師廟用琉璃瓦之始	置世襲國子學正奉儀率孔 子廟祀 此世襲國子學正之始	命南京孔彥繩爲世襲五經 博士奉衛州孔子廟祀 此南北京並置博士之始 以北京孔開禮爲世襲五經 博士主子思子中庸書院祀	
			詔孔子神位稱至聖先師去 伯爵 位號四配十哲以下去公侯 此孔子稱至聖先師之始		